



Općina Stari Grad Sarajevo
Općinski Načelnik

Municipality Stari Grad Sarajevo
Municipality Mayor

Broj: 01-05-4-955/11
Sarajevo, 14.04.2011. godine

Udruženje „Djeca stubovi svijeta“
n/r Predsjednica Fatima Hukić
ul. Maršala Tita 9/a

PREDMET: Pismo podrške projektu „Općina Stari Grad – najčistija Općina“

Cijenjeni građani Općine Stari Grad Sarajevo,

kao Načelnik najstarije i najljepše gradske općine, pozivam Vas da podržite projekat „Općina Stari Grad – najčistija Općina“.

Stari Grad je, kao što znate, kulturno-historijsko jezgro iz kojeg je nastao cijeli grad Sarajevo. Naša najveća kvaliteta, ali i obaveza, je tradicija koju baštinimo vijekovima i prema kojoj se moramo odnositi odgovorno, čuvati i štiti je. Naše stare avlije, mahale i kaldrme nadaleko su poznate, a svojim odnosom prema njima, Vi možete doprinijeti da ostanu biseri koji krase Stari Grad i koje će poželjeti da vidi svaki dobronamjerni posjetilac ovog grada.

Dragi učenici, učitelji, nastavnici, profesori i direktori, ovo je Vaša prilika da pokažete koliko volite svoju Općinu i doprinesete da ona bude još čistija, uređenija i ljepša. Svako od nas nasljeđuje kućni odgoj od svojih roditelja, a lijepo ponašanje i kulturu nadograđuje kroz odgojno-obrazovne sisteme. Sjetite se toga svaki put kada neko baci papir na ulicu, kada vidite da piše po fasadama zgrada, uništava klupe i parkove ili na bilo koji drugi način narušava ugled naše lijepe Općine. Uputite lijepu riječ nekome na ulici i pomozite putniku namjerniku da nađe svoj cilj. Lijepa riječ daleko se čuje! Reagujte, probudite se i djelujte, budite aktivni članovi ovog društva i učinite ga zdravijim i kvalitetnijim. Budite ponos svih nas!

Hvala Vam što učestvujete u projektu „Općina Stari Grad – najčistija Općina“, jer ono što Vi učinite danas, u perspektivi služiti će na obraz i Vašim potomcima.

S poštovanjem,

Dostaviti:

1. Naslovu
2. Evidenciji
3. Arhiva

